

INUIT ATAQATIGIIT INATSISARTUNI



UKA2021/156

13. Oktober 2021

Kristian Jeremiassen

**Kalaallit Nunaanni eqqartuussisarnermik inatsisip allanngortinnis-
saanut inatsimmut missingiut (Pinerlunnernit eqqorneqartut inatsi-
sitigut inissisimanerannik pitsanngorsaaneq) aamma Pinerlunnernit
eqqorneqartunut naalagaaffimmit taarsiissutit pillugit inatsisip allan-
ngortinneqarnissaanik inatsisip assigiinngitsut kunngip peqqussu-
taatigut Kalaallit Nunaannut atortuulernerannik peqqussummut
missingiut pillugit Inatsisartut aalajangiiffigisassaattut siunnersuut.**

**(Ineqarnermut, Attaveqarnermut, Aatsitassanut, Inatsisip
Atuutsinneqarneranut Naligiissitaanermullu Naalakkersuisoq)**

Eqqartuussisarnermi inatsisip allanngortinneqarnissaa pillugu Naalakkersuisut saqqummiussaata imatut Inuit Ataqatigiit-niit oqaaseqarfingissavarput:

Suliaq sivilisuumik peqqissaartumillu suliarineqarsimasut saqqummiunneqarmat pinerlineqarsimasunullu periarfissanik annertunernik inatsisipigut periarfissinneqarmata Inuit Ataqatigiit pissusissamisoortutut isigivarput.

Inatsisip makkunatut ittut dansk-it Naalakkersuisui peqatigalugit pinerlineqartunut periarfissat amerlanerusut tunniunneqarmata pinerlineqarsimasunut qaningisaanullu pittanngoriaataassooq. Ilitsersuisussaataaneq politiiniit inatsisipigut eqqunneqassammat pinerlineqartup pisinnaatitaaffii pillugit massakkornit annerungaartumik pisalermat inuit pisinnaatitaaffiinut iluaqutaassooq.

INUIT ATAQATIGIIT INATSIARTUNI



Inuit Ataqatigiit-niit oqaatigissavarput eqqugaasup pinerluuteqarsimasup iperagaaneratigut kalerrinneqartarnissaminut periarfissaata annertusineratigut taamatullu eqqugaasup taarsiiffigineqarsinnaanissaa peqqussutissatut missingiummi aallarnerniarneqartoq pissusissamisoortutut oqaatigissavarput.

Inuit Ataqatigiinniit siunnersuut saqqummiunneqartoq akuersaarparput Inatsiseqarnermullu ataatsimiititaliamut ingerlateqqillugu.